

К ОПУБЛИКОВАНИЮ

КОМИ РЕСПУБЛИКАСА ВЕСЬКӦДЛАН КОТЫРЛӦН

ШУӦМ

**“Кӧрткерӧс” муниципальнӧй районса муниципальнӧй юкӧнлӧн
мудоръясын меститчысь республика тӧдчанлуна торйӧн ёна видзан
вӧр-ва мутасъяс йылысь да Коми АССР-са Министеръяс Сӧветлӧн да
Коми Республикаса Министеръяс Сӧветлӧн ӧткымын шуӧмӧ
вежсьӧмъяс пыртӧм йылысь**

Коми Республикаса Веськӧдлан котыр шуис:

1. Бырӧдны “Лымва ю” республика тӧдчанлуна вӧр-ва памятник.
2. Вынсьӧдны:
 - 1) “Белоярскӧй” республика тӧдчанлуна канму вӧр-ва заказник йылысь положение 1 №-а содтӧд серти;
 - 2) “Ыджыд” республика тӧдчанлуна канму вӧр-ва заказник йылысь положение 2 №-а содтӧд серти;
 - 3) “Борганелькуш” республика тӧдчанлуна канму вӧр-ва заказник йылысь положение 3 №-а содтӧд серти;
 - 4) “Борганнюр” республика тӧдчанлуна канму вӧр-ва заказник йылысь положение 4 №-а содтӧд серти;
 - 5) “Вылыс Лӧкчимса” республика тӧдчанлуна канму вӧр-ва заказник йылысь положение 5 №-а содтӧд серти;
 - 6) “Висерса” республика тӧдчанлуна канму вӧр-ва заказник йылысь положение 6 №-а содтӧд серти;
 - 7) “Гыбад нюр” республика тӧдчанлуна канму вӧр-ва заказник йылысь положение 7 №-а содтӧд серти;
 - 8) “Додз нюр” республика тӧдчанлуна канму вӧр-ва заказник йылысь положение 8 №-а содтӧд серти;
 - 9) “Ивкавад” республика тӧдчанлуна канму вӧр-ва заказник йылысь положение 9 №-а содтӧд серти;

10) “Кирканюр” республика тӧдчанлуна канму вӧр-ва заказник йылысь положение 10 №-а содтӧд серти;

11) “Кианюр” республика тӧдчанлуна вӧр-ва памятник йылысь положение 11 №-а содтӧд серти;

12) “Лунвывнюр” республика тӧдчанлуна канму вӧр-ва заказник йылысь положение 12 №-а содтӧд серти;

13) “Лымва” республика тӧдчанлуна канму вӧр-ва заказник йылысь положение 13 №-а содтӧд серти;

14) “Маджаса” республика тӧдчанлуна канму вӧр-ва заказник йылысь положение 14 №-а содтӧд серти;

15) “Нъывсер” республика тӧдчанлуна канму вӧр-ва заказник йылысь положение 15 №-а содтӧд серти;

16) “Нивиккуш” республика тӧдчанлуна канму вӧр-ва заказник йылысь положение 16 №-а содтӧд серти;

17) “Потводельежд” республика тӧдчанлуна канму вӧр-ва заказник йылысь положение 17 №-а содтӧд серти;

18) “Селанюр” республика тӧдчанлуна канму вӧр-ва заказник йылысь положение 18 №-а содтӧд серти;

19) “Сотчӧм нюр” республика тӧдчанлуна канму вӧр-ва заказник йылысь положение 19 №-а содтӧд серти;

20) “Сускаэль-Лӧкчимса” республика тӧдчанлуна канму вӧр-ва заказник йылысь положение 20 №-а содтӧд серти;

21) “Тыбью нюр” республика тӧдчанлуна канму вӧр-ва заказник йылысь положение 21 №-а содтӧд серти;

22) “Урьель нюр” республика тӧдчанлуна канму вӧр-ва заказник йылысь положение 22 №-а содтӧд серти;

23) “Шаньганюр” республика тӧдчанлуна канму вӧр-ва заказник йылысь положение 23 №-а содтӧд серти;

24) “Шырнюр II” республика тӧдчанлуна канму вӧр-ва заказник йылысь положение 24 №-а содтӧд серти.

3. Пыртны Коми АССР-са Министръяс Сöветлön да Коми Республикаса Министръяс Сöветлön öткымын шуöмö вежсьöмъяс 25 №-а содтöдын индöм лыддьöг серти.

4. Тайö шуöмыс вынсялö сійöс официальнöя йöзöдöмсянь дас лун кольöм мысти.

Коми Республикаса Веськöдлан котырön

Юрнуöдысьöс вежысь –

Коми Республикаса сьöм овмöс министр

Г. Рубцова

Сыктывкар

2020 вося лöддза-номъя тöлысь 15 лун

304 №

ВЫНСЬӨДӨМА

Коми Республикаса Веськөдлан котырлөн
2020 во лөддза-номъя тöлысь 15 лунся 304 №-а шуөмөн
(1 №-а содтөд)

“Белоярскöй” республика тöдчанлуна
канму вөр-ва заказник йылысь

ПОЛОЖЕНИЕ

1. Панас

“Белоярскöй” республика тöдчанлуна канму вөр-ва заказник (водзö – заказник) артмөдöма “Республика тöдчанлуна заказникъяс да вөр-ва памятникъяс йылысь положенияяс вынсьөдөм да выль заказникъяс котыртөм йылысь” Коми Республикаса Министръяс Советлөн 1993 во рака тöлысь 1 лунся 110 №-а шуөм серти.

Заказник лөö республика тöдчанлуна торйөн ёна видзан вөр-ва мутасөн (водзö – ООПТ) да сылөн эм комплекснöй (ландшафтнöй) нырвизь.

ООПТ-лөн тыр ним: “Белоярскöй” республика тöдчанлуна канму вөр-ва заказник.

ООПТ-лөн дженьыд ним: “Белоярскöй” заказник.

Заказниксö артмөдöма вына кадколаст урчиттөг да заказниклөн мудорьясын меститчысь му участокьяссö вöдитчысьяслысь, кутысьяслысь да кийн кутысьяслысь босьттөг.

Заказник котыртан да сийöс уджөдан юкöнын канмусянь веськөдлөмыс, заказник видзан да сйөн вöдитчан юкöнын канму дөзьöрыс збыльмөдсö Коми Республикаса Веськөдлан котырөн уполномочитөм Коми Республикаса олөмө пöртысь власьт органөн да (либö) сылөн ведомствоувса канму учреждениеөн, кодлы сетöма лöсялана уджмогьяссö (водзö – заказникөн веськөдлысь орган).

2. Заказник артмөдан медшөр могъяс да сълөн могъяс

2.1. Заказниксö артмөдöма шөр пармаса ландшафтъяслысь эталонсö, пемöсьясöс да быдмөгъяс видзöм вылö да сійөн вöдитчöны наука-туялан уджъяс нуöдöм вылö кыдзи стационарөн.

2.2. Заказниклөн медшөр могъяс:

видзны экологическöй öтвесьталунсö;

видзны ландшафтнöй да биологическöй унапöлöслунсö, сы лыдын шоча паныдасьлысь пемöс да быдмөг сикасьяслысь оланінъяссö да быдманінъяссö;

туявны вөр-ва комплексъясын естественнöй процессъяссö да видзöдны экосистемаяслөн серпас вежсьöм бöрся;

лöсьöдны экология боксянь тöдöмлун сетöм да туризм вылö условиеяссö.

3. Заказниклөн меститчанін да площадь

3.1. Заказник меститчö “Кöрткерöс” муниципальнöй районса муниципальнöй юкөнлөн мутасын Каляты скп-сянь лунвывлань 4 км ылнаын, Кöрткерöсса лесничестволөн Пезмөгса участковöй лесничестволөн 147-179 кварталъяслөн мудоръясын. Заказник мутасö сідзжö пырöны мукöд категория муяс.

Заказник меститчанінлысь карта-схемасö вайöдöма тайö Положение дорö 1 содтöдын*.

3.2. Заказник мутаслөн площадьыс лöб 490 га.

* Оз йöзöдсьы.

4. Заказниклөн мудоръяс

4.1. Заказниклөн мудорыс мунö Кörtкерöсса лесничестволөн Пезмөгса участковöй лесничестволөн 147 кварталса 16 выделлөн рытиввыв помсянь 147 кварталса 16 выделлөн войвыв мудорті, 147 кварталса 17 выделлөн войвыв да асиввыв мудорьясті, 147 кварталлөн лунвыв мудорті, 148 кварталса 16 выделлөн рытиввыв да войвыв мудорьясті, 148 кварталса 14 выделлөн рытиввыв мудорті, 148 кварталса 11 выделлөн рытиввыв, войвыв да асиввыв мудорьясті, 148 кварталса 14 выделлөн асиввыв мудорті, 149 кварталса 13, 14 выдельяслөн войвыв мудорьясті, 149 кварталса 14 выделлөн асиввыв помөдз. Водзö асив-лунвылö веськыда Эжва юлөн веськыд берегкөд вомöнасянінөдз, водзö ёнджыкасö рытиввывлань 4800 метра Эжва юлөн веськыд берегті, да водзö веськыда асив-войвылö петан чутөдз.

Заказник мутасö сідзжö пырöны Кörtкерöсса лесничестволөн Пезмөгса участковöй лесничестволөн 147 кварталса 11 выдел да 148 кварталса 17 выдел тырвыйö.

4.2. Заказниклысь мудорьяссö петкөдлöма карта-схема вылын тайö Положение дорö 2 содтöдын*.

* Оз йöзөдсы.

5. Заказниклөн мудорьясын меститчөм

видзан вөр-ва комплексъяс да налөн компонентъяс

Заказникөн лоö важ ю сёртас тыяса, сораса вөрьяса, козьяиньяса (*Picea obovata*-ысь), чөдьяиньяса, шоча паныдасьлысь (орхиднöй) быдмөгьясөн ойдлан видзяса, уна сикас пемөсьяса шөр Эжвалы лөсялысь вөр-ва комплекс.

Войвывсянь заказник дорö йитчö ыджыд нюр. Лунвывсянь заказниксö топөдöма Эжва ю сёртасөн. Ю ойдланіньясын уна важ ю сёртас

тыяс уна сикас сюрса лытём васа олысьясён. Вөръяслён өткотыръяс пиысь заказниклөн быдмөгъяса му веркёсын медуна козьяинъяс да пожёма ягъяс (*Pinus sylvestris*-ысь). Паньдасълёны сідзжө сораса вөр пуктасъяс, көні лыска быдмөгъяс кындзи, пу ярусис артмө пашкыр кыддзысь (*Betula pubescens*) да обыкновеннөй пипуысь (*Populus tremula*). Ойдлан видз өткотыръяс торъялёны ыджыд продуктивносътён да уна сикас флораён да сюрса лытём пемөсьяса фаунаён.

Заказникса вылыс сосудистөй быдмөгъясён флораыс 400 сайё сикас. Заказник мутасын быдмысь быдмөгъяслысь сизим сикассө пыртёма Коми Республикаса гөрд небөгө (2019): паськыд коръя паперт турун (*Dryopteris cristata*), волосовиднөй сирпинь турун (*Potamogeton trichoides*), ложносытевөй эжөр (*Carex pseudocyperus*), угловатөй лук (*Allium angulosum*), Траунштейнерлөн мөснюк турун (*Dactylorhiza traunsteineri*), Селькиркалөн чардби турун (*Viola selkirkii*), колосистөй лөз йыла (*Veronica spicata*). Вит сикас быдмөг пыртёма Быдмөгъяслөн лыддьөгө (списокө), кодъяслөн вөр-ваын олөм бөрся колө торйөн видзөдны да кодъясөс вөзйёма босьтны биология боксянь дөзьөр улө, мый вынсьөдөма Коми Республикаса вөр-ва озырлун да гөгөртас видзан министерстволөн 2019 во рака төлысь 27 лунся 498 №-а тшөктөдөн (3 №-а содтөд): посни наридз турун (*Platanthera bifolia*), Фукслөн мөснюк турун (*Dactylorhiza fuchsii*) да чутось мөснюк турун (*Dactylorhiza maculata*), комаринөй кокушник (*Gymnadenia conopsea*), лым еджыд запанки (*Nymphaea Candida*).

Заказниклөн фаунаын лыддьыссьө 200 сайё сикас сюрса лыа да 400 сайё сикас сюрса лытём пемөс. Гырысь млекопитающөйясысь паньдасълёны йөра (*Alces alces*), съөдовгөрд ош (*Ursus arctos*), вөрпорсь (*Sus scrofa*). Хищнөй зверьясысь пасйөма юдорса вурд (*Lutra lutra*), американскөй анча (*Neovison vison*), сан (*Gulo gulo*), съөдбөж (*Mustela erminea*), тулан (*Martes martes*), обыкновеннөй вөркань (*Lynx lynx*), обыкновеннөй руч (*Vulpes vulpes*). Звер-фитофагъяс пиысь ыджыд төдчанлун босьтөны обыкновеннөй мой (*Castor fiber*), обыкновеннөй ур

(*Sciurus vulgaris*), обыкновенной паляур (*Pteromys volans*), еджыд көч (*Lepus timidus*) да ондатра (*Ondatra zibethicus*). Заказникын уна ягвывса пётка, вадорын олысь да ваын уялысь лэбач.

Заказниклөн водоёмьясын медьёна паськалёмаось – обыкновенной сир (*Esox iucius*), ёді (*Abramis brama*), кос мык (*Alburnus alburnus*), чивган (*Blicca bjoerkna*), сын (*Leuciscus idus*), обыкновенной мык (*Leuciscus leuciscus*), кельчи (*Rutilus rutilus*), обыкновенной гыч (*Carassius carassius*), налим (*Lota lota*), обыкновенной йёрш (*Gymnocephalus cernuus*) да юса ёкыш (*Perca fluviatilis*).

Сюрса лытём пемёсьясысь мукёдөс пыртёма Коми Республикаса гёрд небөггө, сы лыдын: югьялысь шомгаг (*Carabus nitens*), обыкновенной муравьинёй лев (*Myrmeleon formicarius*), пармаса косматогрудёй сиргаг (*Tragosoma depsarium*), скромной мазі (*Bombus modestus*). Öти сикас – золотоямчатой красотел (*Calosoma auropunctatum*) – пыртёма Звер-пётка лыддьөггө (списокö), кодьяслөн вёр-ваын олём бёрся колö торйөн тöждысьны да кодьясöс вöзйёма босьтны биология боксянь дöзьöр улö, кутшöмöс вынсьöдöма Коми Республикаса вёр-ва озырлун да гөгöртас видзан министерстволөн 2019 во рака тöлысь 27 лунся 498 №-а тшöктöдөн (4 №-а содтöд).

6. Заказник торйөн ёна видзан режим

6.1. Заказниклөн мутасын оз позь вöчны овмöс нуöдан да мукöд удж, мый вöсна вермас торксыны экосистемаяслөн дзоньлуныс, сы лыдын:

1) капитальнöя стрöитан объектьяс да линейной объектьяс стрöитöм, тайö Положениелөн 6.2 пунктын индöм случайяс кындзи;

2) вёр пуктасьяс кералöм, санитарно-оздоровительной мероприятияс, пöжарысь видзчысьöмсö могмöдан мероприятияс нуöдигөн кералöмьяс, кварталной прöсекаяс, визирьяс кералöм, весалöм, туйяс, кутшöмьяс эмöсь, видзöм могысь кералöмьяс, а сідзжö вöчны поэяна удж

сикасьяскөд йитчөм мукөд кералөм кындзи;

3) вөр бурмөдөм вөр культураяс лөсьөдөмөн, вөр участкасыын, көні вөр пуктасьясыс кулөмаось либө тшыкөмаось пөжарьяс, лөк организмьяслөн төдчөм вөсна, а сідзжө вөр участкасыын вөр бурмөдөм кындзи, көні санитарной могьясын нуөдісны өтпомся кералөмьяс;

4) древесина да живица заптөм;

5) абу пуа вөр ресурсьяс, вөрса сөян-юан да бурдөдан быдмөгьяс заптөм да чукөртөм, индөм ресурсьяссө да быдмөгьяссө гражданаөн асланыс могьяс вылө заптөм да чукөртөм кындзи;

6) геологической, ботанической, зоологической да мукөд коллекция чукөртөм, наука-туялан могьяс вылө найөс чукөртөм кындзи заказникөн веськөдлысь органкөд сөгласуйтөмөн;

7) муяс бурмөдөм да гөрөм;

8) гусеничной техникаөн вөдитчөмөн турун ытшкөм;

9) видз-му овмөсса пемөсьясөс йирсьөдөм (та вылө индөм местаясысь бокин) да налы гожся лагерьяс да ваннаяс котыртөм;

10) прөмыслөвөя кыйсьөм да промышленнөя чери кыйөм;

11) туйясысь, кутшөмьяс эмось, да торйөн индөм местаясысь бокин механизируйтөм транспортлөн ветлөм да сулалөм (заказник видзөм серти мероприятиеяс, а сідзжө заказник мудорьясын меститчысь вөр-ва комплексьяс да налысь компонентьяс видзөм да бөр лөсьөдөм серти мероприятиеяс нуөдөмкөд йитчөм случайяс кындзи), механической транспорт средствояс кындзи, кутшөмьяс ветлөны да сулалөны төвся периодө, пуксьөм лым эжөдөн сэтшөм условиеын, кор тайө оз тшыкөд му веркөссө, быдмөгьяссө да вөр пуктасьяссө;

12) туясян (корсьысян, геофизической, геологоразведочной) уджьяс, муывьса механизируйтөм средствоясөн вөдитчөмкөд да му веркөс да быдмөгьяс тшыкөдөмкөд абу йитчөм уджьяс кындзи;

13) мупытшса озырлун перйөм да туялөм;

14) заказниклысь мутас өгөсьтөм да нйитчөдөм, а сідзжө

производство да потребление шыбласьяс меститөм (видзөм да гуалөм), ортсө лэдзан ва нуөдөм;

15) химия препаратьяс да мувердас видзөм да наөн вөдитчөм;

16) му веркөс да быдмөгьяс тшыкөдөм, вөчны позяна удж сикасьяс збыльмөдөм кындзи;

17) аншлагьяс, шлагбаумьяс, стендьяс, суйөрса сюрьяс, мукөд юөртан пас да индөд, экологическөй туйяслысь да шойччаніньяслысь оборудование бырөдөм да тшыкөдөм, пуяс вылын гижөдьяс да пасьяс вөчөм.

6.2. Заказниклөн мутасын позьö:

1) нуөдны наука-туялан, экология боксянь төдөмлун сетан, рекреационнөй да туризм удж заказникөн веськөдлысь органкөд сөгласуйтөмөн;

2) кушмөм берегьяс видзөм да ёнмөдөм могысь пуктыны вөр пуктасьяс;

3) оланпастэчасөн урчитөм пөрадокын любительскөя да спортивнөя кыйсьыны;

4) оланпастэчасөн урчитөм пөрадокын любительскөя да спортивнөя чери кыйны;

5) котыртны да нуөдны вөр овмөс, нуөдны вөрьясын пөжарысь да санитарнөй боксянь видзчысьөмсө могмөдан, вөр бурмөдан да вөр бөрся дөзьөритан мероприятиеяс вөр йитөдьяс ладмөдан юкөнын оланпастэчасөн урчитөм пөрадокын тайö Положениелөн 6.1 пунктса корөмьяс төд вылын кутөмөн;

6) 11:06:0201001:47 кадастрөвөй номера му участокын позьö стрөитны, выльмөдны капитальнөя стрөитан объектьяс, вөдитчыны наөн урчитөм медпозяна параметрьясын* сы могысь, медым нуөдны наука-туялан удж заказникөн веськөдлысь органкөд сөгласуйтөмөн;

*Заказник мутасын стрөитны, выльмөдны позяна капитальнөя стрөитан объектьяслөн медыджыд параметрьяс:

Д/в №	Заказник мутасын стрөитны, выльмөдны позяна капиталнөя стрөитан объектъяслөн медыджыд параметръяс	Урчитөм ыджда
1	Му участокъяслөн мудорьяссиянь медичөт отступьяс, м	6
2	Капиталнөя стрөитан объектъяслөн медыджыд джуджда, связь сооружениеяс кындзи, м	8
3	Связь сооружениеяслөн медыджыд джуджда, м	30
4	Заказниклөн өтувья пасьятаысь заказниклөн мудорьясын стрөитөмлөн медыджыд прөцент, %	1

7) стрөитны, выльмөдны линейнөй объектъяс, вөдитчыны наөн сэк, кор найөс оз позь меститны мөдлаө, а сіджө заказниклысь уджалөмсө могмөдөм могысь, заказникөн веськөдлысь органкөд сөгласуйтөмөн;

8) капиталнөя дзоньтавны да косявны капиталнөя стрөитан объектъяссө да линейнөй объектъяссө заказникөн веськөдлысь органкөд сөгласуйтөмөн;

9) абу капиталнөй стрөйбаяс да сооружениеяс стрөитөм, кутшөмьяс йитчөмаөсь вөчны позяна удж сикасыяс збыльмөдөмкөд;

10) овмөс да мукөд удж нуөдан мөд сикасыяс, мыйысь абу өлөдөма вөр-ваөн вөдитчан да гөгөртас видзан юкөнын оланпастэчасөн да тайө Положениеөн, оланпастэчасөн урчитөм пөрадокын.

7. Бөртас

7.1. Заказниксө, сы лыдын сылөн мутасын меститчөм вөр-ва комплексьяссө да налысь компонентьяссө, видзөны вөр-ваөн вөдитчан да гөгөртас видзан юкөнын оланпастэчас серти.

7.2. Заказниклөн вөр-ва комплексьяслы да налөн компонентьяслы лектор вөчан грөз артмөм дырйи сылөн мутасын вөчны позяна удж

сикасьяссö дзескöдöны, недыр кад кежлö дугöдöны либö дугöдöны пöрадокын, кутшöмöс урчитöма федеральнöй оланпастэчасöн.

7.3. Заказниклысь мутассö места вылын индöны öлöдан да юöртан пасьяс сувтöдöмөн, а сідзжö торйöдöны тематическöй картография материальяс вылын.

7.4. Заказниклөн вөр-ва комплексьяслы либö налөн компонентьяслы вöчöм лекторсö колö вештыны Россия Федерацияса оланпастэчас серти.

7.5. Йöзöс, кодьяс мыжабсь заказник торйөн ёна видзан урчитöм режим торкöмын, кыскöны кывкутöмö Россия Федерацияса оланпастэчас серти.

7.6. Заказник торйөн ёна видзан урчитöм режимлөн уджалöм да сійöс могмöдöм серти мероприятиеяс збыльмöдсьöны Коми Республикаса республиканскöй сьöмкуд сьöм тшöт весьтö да оланпастэчасөн абу öлöдöм мукöд öшмöс тшöт весьтö.

Пасйöд. Меститчанінсö да мудорьяссö опишитöма Кöрткерöсса лесничестволысь 1992 вося вөр овмöс котыртан да нуöдан материальяс тöд вылö босьтöмөн.